



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Octobrem, Novembrem, Decembrem


Nepveu, François

Monachii, 1709

Dies 16. De examine particulari.

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

December.



DIES XVI.

De Examine Particulari.

I.

EXamen particulare à generali differt in eo, quod uni solum vitio, vel defectui, quem emendare intendit, se affigat. Praxis ejus utilissima est, & quodammodo etiam necessaria; cum sit medium efficacissimum, incompósitos animi nostri motus superandi, consuetudines pravas extirpandi, nosque à defectibus, quibus præcipue sumus obnoxij, liberandi. Sancti quoque summopere id nobis commendaverunt, dum nobis cordi esse voluere vigilantiam, cujus hoc examen unica praxis est. Per hanc Divus Ignatius, qui tam utilis exercitij Reparator dici meretur, stupendam conscientie puritatem, clarissimam omnium eorum, quæ in ipsius animo gerebantur, cognitionem, & potentissimum in omnes affectus imperium adeptus est. Ope hujus examinis S. Franciscus Salesius, cum esset corporis habitudine perquam vehementi, & iracunda, admirandam illam obtinuit morum, & sermonis suavitatem, qua omnium si-

bi

bi animos conciliabat, ut eos postmodum December.
Deo lucraretur. Suavitas hæc tam p-
fecta examinis particularis per viginti ferè
annos exerciti fructus exitit. Et nos
virtutes adipisci vellemus, si nec levissimo
nobis labore starent?

II. Argumentum huius examinis ordi-
narium defectus esse debet, aut vitium
quoddam particulare; præcipuè verò a-
nimus intendere nos oportet vitio præ-
reliquis nobis dominanti, aut illi, quod
habere potest effectus molestiores, vel ob
multitudinem, vel ob gravitatem defe-
ctuum, ad quos nos allicit, vel propter
obstacula, quæ consilijs Dei super confe-
renda nobis sanctitate ponit, vel propter
salutis nostræ pericula, in quæ nos conij-
cit. Cæterum non expedit illud genera-
tim aggredi, vel se addicere corrigendis
omnibus simul defectibus, quæ ab illo o-
riuntur, aut malis effectibus, quos id pro-
gignere in nobis potest: sed eos divisim in-
vadere, & à defectibus crassioribus, magis-
que periculosis inchoare. Ad hostes suos
certius, faciliusque vincendos, oportet
eos separare, & quodammodò suâ solertiâ
animi sui generositatem, & vires supplere.
An non defectu huius præcautionis con-
tingit, ut tam parùm proficeres in pugna,

December. qua contra defectus tuos, & immoderatos animi motus praeliaris?

III. Modus hoc examen instituendi est.
 1. Ab oratione matutina propositum habere defectum, quem impugnare decrevimus, evitandi, & occasiones quoque praevidere, quas habituri sumus, interdum in illum labendi, ut eas fugiamus, si possumus; vel si non possumus, à Deo gratiam petamus, qua roboremur. 2. Eligere aliquid temporis, ante vel post prandium, vel certè Vesperis, dum examen generale instituimus, ut inquiramus; quoties in hunc defectum lapsi fuerimus; & si fieri possit, lapsuum numerum scripto annotare; tum sincerum de eo dolorem concipere, ejus veniam à Deo flagitare, cum ingenti confusionis sensu super imbecillitate, & infidelitate nostra; propositum renovare majoris in posterum fidelitatis, nobisque poenitentiam multitudini, & gravitati defectuum, quos admisimus, convenientem quotidie imponere, ad vigilantiam nostram excitandam. 3. Si interdum quoque advertamus, nos in hunc defectum cecidisse, ad Deum nos convertere, ad petendam ab eo veniam. 4. Comparare unam hebdomadam cum al-

te-

tera, ut videamus, quos progressus fecerimus, ita tamen, ut non magnopere nos affligamus, si animadvertimus, nos parum profecisse, vel etiam retrògressos fuisse. Hoc ad nostri ipsorum deprecationem semper erit utile, & perseverantia nostra gratias Dei denique accerser abundantiores, quæ nos de hoc defectu victores reddet.

Fac tibi bonam legem, non deficiendi à tam sancto exercitio; si tibi asperum videatur, fructus, quem ex hoc decerpes, eò te impellet, ut omnes hasce difficultates superes.

Persequar inimicos meos, & non convertar, donec deficiant. *Psal. 17. 38.*

Duo specialiter ad magnam emendationem juvant; videlicet subtrahere se violenter, ad quod natura virtuosè inclinatur, & ferventer instare pro bono, quo amplius quis indiget. *Imit. Christi l. 1. c. 25.*

